

Fatima Gavrankapetanović-Smailbegović, zastupnica

INICIJATIVA : Rješavanje pitanja listi čekanja na
zdravstvene usluge u Kantonu Sarajevo

Pokrećem inicijativu za potpuno eliminisanje odnosno maksimalno skraćivanje listi čekanja na zdravstvene usluge u Kantonu Sarajevo .

U pripremi za početak mog rada na ovoj odgovornoj javnoj dužnosti, najavila sam da ću se posebno zalagati za rješavanja određenih pitanja u oblasti zdravstva i zdravstvenih usluga. Znamo da su godinama, ključni problemi u zdravstvu bili vezani za liste čekanja.

U međuvremenu smo imali priliku čuti izjave predstavnika Ministarstva zdravstva kako u Kantonu Sarajevo više nema listi čekanja nakon donošenja „Pravilnika o zdravstvenim uslugama za koje se ne može formirati lista čekanja na području KS“.

Pravilnik između ostaloga propisuje da ako neka javna zdravstvena ustanova ne može pružiti određenu uslugu u roku od 30 dana, pacijent može otići u neku drugu zdravstvenu ustanovu, uključujući i privatne, i uraditi pregled koji mu treba, a troškove će mu refundirati Zavod zdravstvenog osiguranja KS.

Problem izgleda riješen, makar na papiru . Međutim, svakodnevno u kontaktu sa našim sugrađanima, kao zdravstveni radnik, ali i kao građanka, svjedok sam nezadovoljstva građana zbog dugog čekanja na određene zdravstvene usluge. Poseban su problem čekanja kod pojedinih specijalističkih pregleda i oboljenja.

Mislim da nam uspostavljeni sistem zdravstvenog osiguranja i zdravstvene zaštite daje solidan okvir da zdravstvene usluge našim osiguranicima budu isporučene na vrijeme i puno kvalitetnije nego što je to sada slučaj .

Neophodna je brza i odlučna reakcija ove Skupštine i Vlade KS, jer stanje je stvarno neprihvatljivo i nema potrebe da osiguranici tako dugo kao što je to slučaj danas, čekaju na pojedine zdravstvene usluge i da su pri tome suočeni sa komplikovanim administrativnim procedurama.

Iz navedenih razloga, ovim putem pokrećem inicijativu i tražim od resornog Ministarstva zdravstva Kantona Sarajevo :

- Da odmah pokrene aktivnosti na preispitivanju funkcionisanja sistema listi čekanja, sačini detaljnu analizu tj „snimak postojećeg stanja“ nakon ovog „probnog“ perioda primjene Pravilnika i u roku od 30 dana pripremi pisanu informaciju za ovu Skupštinu i javnost o trenutnim listama čekanja, dužini čekanja po pojedinim zdravstvenim

uslugama i razlozima takvog stanja. Potrebno je da informacija obavezno sadrži prijedlog mjera za dodatno unaprijeđenje postojećeg stanja ;

- Da u roku od 60 dana, na bazi pouzdanih i provjerenih informacija iz prethodne tačke ove inicijative, revidira važeće pravilnike i druge provedbene akte koji će doprinijeti potpunom eliminisanju ili dodatnom skraćenju listi čekanja ;
- Da u pripremi Budžeta KS za 2023.godinu, Ministarstvo zdravstva u saradnji sa nadležnim Zavodom zdravstvenog osiguranja dobro planira budžetska sredstva za ove potrebe i da u prijedlogu obavezno uvrsti sve što je neophodno (dodatni zdravstveni kadar, oprema i dr.) da se liste eliminišu ili makar značajno skrate .

Podnositeljica inicijative :

Fatima Gavrankapetanović-Smailbegović